

per persunas d'instrucziun, mainascolas e cussegls da scola



Nr. 4 2019/20

Part generala

Coronavirus – instrucziun a distanza

Dapli venderdi, ils 13 mars es tut auter. Scolas, persunas d'instrucziun, scolaras e scolars sco er lur geniturs sun confruntads cun novas sfidas. Las scolas fan tut il pussaivel per far il maximum or da la situaziun difficila. Questa circulara vegn publicada en il rom dal manaschi da scola regular. Natiralmain ch'ella s'occupa er cul tema actual.

L'inspecturat da scola respunda a diversas dumondas da las scolas e las sustegna cun recumandaziuns, ideas ed avis per surmuntar las sfidas. Tut las contribuziuns publicadas sur dals temas "instrucziun a distanza", "surveglianza", "manaschi da scola" ed "instrucziun a distanza en la scola speziala" sa chattan sin la pagina d'internet da l'uffizi da la scola publica ed il sport sut il titel "Scola malgrà corona".

Actualmain vegnan svilupadas bleras soluziuns creativas per instruir ils uffants e giuvenils dador la scola. Las premissas en la scola grischuna èn fitg differentas. I vala da chattar bunas soluziuns per las singulas scolas, soluziuns che cunvegnan er per ils pels uffants e lur geniturs. L'implementaziun po far senn en furma analogica u digitala.

[Scola malgrà corona](#)



Register per ils meds d'instrucziun 2020/21

La regenza ha publicà ultimamain il register dals meds d'instrucziun per l'onn da scola 2020/21. Là èn inditgads ils meds obligatorics, ils meds recumandads sco er ulteriurs avis tar meds d'instrucziun.

Ils meds inditgads pon vegnir empustads pro "Meds d'instrucziun grischun".

[Register dals meds d'instrucziun 2020/21](#)



[Meds d'instrucziun GR](#)



Basegn da promoziun speziala - PI21 GR

Las cumpetenzas dal PI21 GR valan da princip per tut ils uffants. Per pussibilitar a tut ils uffants cun impediments complex l'applicaziun en il rom dal PI21 GR è vegnida svilupada ina brochura sut il lead da la Scola auta da Turitg en cooperaziun cun la Scola auta per pedagogia speziala da Turitg.

Questa brochura explitgescha l'applicaziun dal PI21 GR tar scolars e scolaras cun impediments complex e sa drizza en prima lingia als chantuns, a mainascolas sco er a persunas d'instrucziun e persunas spezializadas che s'occupan cun la planisaziun da plans da promoziun e furmaziun.

Questas persunas duain implementar l'incumbensa da furmaziun dal PI21 GR. Savens n'esi betg pussaivel da cuntanscher las cumpetenzas definidas durant il temp previs. Malgrà quai es il PI21 GR impegnativ per tut ils scolars. La brochura mussa, co ir enturn cun questa situaziun.

[PI21 GR tar uffants cun impediments complex](#)



Tia lingua – mia lingua

«Deine Sprache - meine Sprache» è in manual per magistras e magisters da tut ils stgalims e per tuts che instrueschan ad uffants e giuvenils da lingua estra. Il manual porscha in'invista bain chapibla en la structura ed en las spezialitads da las differentas linguas e las difficultads che sa resultan per emprender tudestg. I vegnan preschentadas las 19 linguas da migraziun las pli frequentas. Il manual infurmescha sur da las differentas culturas e lur systems da scola sco er sur da las caracteristicas da las linguas. Per sustegnair il contact cun ils geniturs es agiunt ina glista cun plets da scola, modas da dir e cifras.

[Tia lingua – mia lingua](#)



Diever da medias e sanadad

Il studi JAMES infurmescha dapi il 2010 mintga duas onns sur dal diever da medias tar giuvenils en Svizra. Las datas vegnan validadas detagliadamain e publicgadas en furma tematica en ils rapports JAMESfocus. En il rapport dal 2020 èsi visibel che la gronda part dals giuvenils sa sentan sans. Malgrà quai pateschan divers giuvenils da mal il chau, mal dal dies, stancladad u problems da concentraziun. Ils scienziads supponan in connex tranter il consum da medias ed aspects da sanadad.

[JAMESfocus 2020](#)



Instrucziun a distanza talian/anglais sec I

Las gruppas accumpagnantas talian ed anglais stgalim secundara I han accumpagnà sin incumbensa da l'uffizi da la scola populara ed il sport dal 2014 enfin il 2018 l'instrucziun da talian en il Grischun tudestg sco er l'instrucziun dad anglais en tut il Grischun.

Per las singulas etappas sun vegnidas definidas durant l'onn finamiras intermediaras ed ulteriuras enconuschientschas. Ils documents sun vegnids cumpigliads en singuls fecls d'infurmaziun cun divers links nizzaivels, tranter auter er per l'instrucziun a distanza.

[Fegl d'infurmaziun gruppa accumpagnanta talian](#)



[Fegl d'infurmaziun gruppa accumpagnanta anglais](#)



Protecziun da datas ed instrucziun a distanza

Il manaschi da scola po vegnir bloccà cumpletmain tras software d'extorsion o l'abus da datas confidenzialas. En l'instrucziun a distanza esa necessari da resguardar la protecziun da las datas. En in'intervista declera il responsabel per la protecziun da datas dal chantun Turgovia e commember dal biro Privatim, Bruno Baeriswyl, tge che las scolas han da resguardar en la situaziun actuala.

[Intervista protecziun da datas ed instrucziun a distanza](#)



Per voss engaschament exemplaric che vus prestais actualmain per surmontar la situaziun extraordinaria engraziels a vus da tut cor. Jau sun impressiunà da voss agir pragmatic e premurus.

Ils megliers salids en il num da tut il team da l'inspecturat da scola grischun.

Andrea Caviezel, manader da l'inspecturat da scola

Part regionala

Termins

L'occurrentza per cussegls da scola dals 27 matg 2020, 19:00 à Razén, ha lieu pli co facil en resguardond las mesiras da protecziun dal UFSP. In invit segua a temp cul program.

L'examen da giudicament d'admissiun tenor protesta dals 26 e 27 matg 2020 ha lieu sco previs en resguardond las mesiras da protecziun dal UFSP.

Nus agiunschain als plets dal surnumnà noss grond engraziament e salidain cordialmain. Voss team districtual Plessur-Grischun central.

Christina Nigg (manadra), Daniela Zanelli, Jachen Buchli, Philipp Hugentobler ed Elisabeth Caluori (secretariat)

